

Date – 14/09/2025

Time - 07:30 -07:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Prime Minister Narendra Modi an Mizoram chu Act East Policy hlawhtlinna atana kawng pawimawh tak a ni tih a sawi.
2. Prime Minister Narendra Modi chuan hmarchhak bial chu sumdawnna bultan mek te tan hmun pawimawh tak ani chho mek tih sawiin thalaiten hmabak eng tak an nei tih a sawi.
3. Prime Minister Narendra Modi an NDA sawrkar hnuah hmarchhak bial ah danglamna an thlen a ti a, kawng hrang hrangah hmasawnna an thlen tih a sawi.
4. Prime Minister Narendra Modi an Manipur hmasawnna tur chuan remna leh muanna chu a pawimawh ber tih a sawi.

<><><>

PM ON ACT EAST

Prime Minister Narendra Modi an Mizoram chu Act East Policy hlawhtlinna atana kawng pawimawh tak a ni tih a sawi.

He thu hi nimina Bairabi-Sairang rel kawng a hawnna ah sawiin PM Modi chuan Kum 11 chhung hmarchhak bial hmasawnna tur atan theihtawp an chhuah thin a ti a, kum rei tak chhung chu inkalpawhna leh inbiakpawhna kawng a awlsam lo thin tih sawiin hemi kawngah hian hun rei tak Mizoram chuan hmathlir nei mahse hmasawnna a thlenglo a ti a, tunah chuan NDA sawrkar hnuaiah hmasawnna a awm tih sawiin hmarchhak bial hmasawnna chu ram hmasawnna a ni tih a sawi.

PM Modi chuan KMMTTP chu Act East Policy hlawhtlinna atana kawng pawimawh tak ani tih sawiin Mizoram chu rampawn te nen insumdawn tawnna ah hmun pawimawh tak ani dawn tih a sawi.

<><><>

GST REFORMS

Sorkar laipuiin tun hnai a India ram pum a a chhiah lak GST a siksawi avangin Mizoram hmun hrang hrangah nghawng a nei chho tan mek.

Lungleia kan palai thudawn danin mipui leh sumdawng te chuan he thil hi an ngaihven hle a, Electric venga Cement zuartu liantak pakhat Pu Pazawna pawhin GST lakna tihhniam tur zingah Cement chu tel mahse Company lam in engmah an la hriattir lo tih sawiin an lakna ten a tlawm a an pe anih loh chuan tuna an zawrh dan pangngai anga an hralh reng chu a la ngai dawn a ti a, hetihlai hian GST rate thar awm tura sawi anih avangin Insa lai engemawzah an chawl thup niin thudawn a ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

CM

Chief Minister Pu Lalduhoman Bairabi – Sairang Rel kawng chu khawvel huap pawha thil harsa leh mithiamte thiamna leh thawhrimna rah a ni a ti a, Mizoram tan relkawng chauh nilovin, nunna hnar an siam a ni a ti.

Chief Minister chuan Mizoram tan ni chhin chhiahtlak tak a ni tih sawiin Mizoramin rel kawng an nei tur chu Ramchhung inpawhtlanna atana Prime Minister hmathlir tih hlawhtlinna pawimawh tak a ni a ti a, Mizoram chu ramchhunga hmundang nen intlawhpawhna awlsam zawk a siamsak dawn a ti a, kum 2023 August thlaa rel kawng siam naa chetsualna thlenga nunna chan te an hre reng tih sawiin an hnathawhna avanga tun dinhmun thleng an ni a ti a, Mizoramin relkawng a nei tur chuan tun hma atanga Mizoram hmathlir a takin a rawn lantir a ti a, eizawna kawngah leh thangthar lo awm zel tur ten an chhawr tangkai dawn tih a sawi bawk.

<><><>

PM ON OPPOSITION

Prime Minister Narendra Modi an sawrkar hmasa ten hmarchhak bial chu hun rei tak anlo ngaih thah thin tih sawiin a kaihhruai NDA an sawrkar hnuah hmarchhak bial ah danglamna an thlen a ti a, kawng hrang hrangah hmaasawna an thlen tih a sawi.

Prime Minister chuan hun rei tak chhung party hrang hrang ten vote zawn nan chauh politics an khel thin tih sawiin mipui vote nei tamah hlir hmasawna atan sum an seng thin tih sawiin Mizoram chu a tuartu zinga mi an ni a ti a, tunah chuan ngaihthah ni thin kha dah pawimawh anni tawh tih sawiin India hmasawna atana kawng pawimawh tak anni a ti a, kum 11 an sawrkar chhungin hmarchhak bial hmasawna atana kawng hrang hrang an ngaihtuah tih a sawi.

<><><>

PM ON GST REFORMS

Prime Minister Pu Narendra Modi-a'n Goods and Services Tax , GST rate thar chu Mizo mipuiten an chhawr tangkai dawn tih a sawi.

Lengpui Airport atanga Bairabi to Sairang Rel kawng thar a hawnaah Prime Minister Modi chuan he thu hi sawiin, Mizoram tharchhuah hrang hrangte chu hmundanga hralhchhuah tlak a ni tih sawiin hengah hian kuthnathawktuten hlawkna an hmuh theih nan theihtawp chhuah a ni a ti a, chhiah lak thin chu tih tlem a ni tih sawiin mipui mamawh hrang hrang tih tlem chu mipui nawlpui chhawk zangkhai tu a ni dawn tih a sawi.

Prime Minister chuan India chu economy thangduang ber a ni tih sawiin ram ropui taka an lo ngaih thin te chu a lehpel a ti a, economy a that em avangin ramín hma a sawn zel phah a ti a, nimina khaw awmdan zirloh avanga Aizawl a kal theilo chu pawí a tih thu sawiin hun reilote hnuah tlawh leh ngei a tum dawn tih a sawi a ni.

<><><>

PM ON MANIPUR

Prime Minister Narendra Modia chuan Manipur hmasawnna tur chuan remna leh muanna chu a pawimawh ber a ni a ti. Nimina Churachandpur atanga hmasawnna cheng vaibelchhe 7300 chuang hman lungphum a phumnaah he thu hi sawiin Pu Modia chuan Manipura pawl awm hrang hrangte chu remna kawng zawh turin a sawm a. An tu leh fate tana hmabak tha siam turin a ngen a ni. Pu Modia chuan tunhnaiah pawl hrang hrang aiawhten inbiakna an nei chu sarwkar a lawm hle tih a sawi a. Sawrkar laipui chu Manipur mipuite tan a awm reng dawn tih a sawi bawk a ni.

<><><>